



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Philippi Servii Amicus Fidelis Usque Ad Mortem**

**Bouchy, Philippe**

**Coloniæ Agrippinæ, 1660**

Orationes ad Beatam Virginem pro moribundis.

[urn:nbn:de:hbz:466:1-54799](https://nbn-resolving.org/urn:nbn:de:hbz:466:1-54799)

hora tuæ passionis doloris gladius  
pertransiuit. Per te Jesu Christe Sal-  
uator mundi, qui cum Patre & Spi-  
ritu Sancto vivis & regnas in sæcula  
sæculorum. Amen.

*Orationes ad Beatam Virginem pro  
moribundis.*

1. **V**irgo clementissima, Dei ge-  
nitrix Maria ob illius doloris  
gladium, qui tuam sacratissimam a-  
nimam pertransiuit, quando cerne-  
bas filium tuum nudum in Cruce  
pendentem, clavis perforatũ, cruo-  
re perfusum, plagis ac vulneribus  
laceratum, adiuua animam servi tui,  
ut compassionis tecum gladio, divi-  
niq̃ue timoris ac amoris lancea  
transverberetur, & sic omnis peccati  
humor noxius effluat, mundatoque  
a vitiis pectore terrena despi-  
ciat, & toto affectu ad  
caelestia an-  
helat. ☩

Ma-

2. **M**aria Virgo sanctissima, ob acerbum illum doloris sensum quem experta es quando Iesum filium tuum præ dolore clamantem; & te Ioanni commendantem audivisti: exaudi preces quas ad aures tuæ pietatis pro famulo tuo fundimus, ei que in obitu suo subveni, & ejus spiritum clementissimo filio tuo commenda; ut materna tua interventione a terroribus & tormentis eruatur, & ad desideratam celestis patriæ regionem te comitante perveniat.

3. **B**eata Virgo Maria, per terrorem & horrorem illum gravissimum, quo maternum pectus tuum contremuit, quando filium tuum dilectissimum Dominum nostrum Iesum Christum ab impiis captum, ligatum, tractum ad supplicia, & ab omnibus derelictum inaudisti; adjuva famulum tuum in extremis constitutum, ut de præteritis delictis contritionem veram eliciat, ne

fortè in hoc obitu suo adversarii occursum paveat, tremendiq̄ue Iudicis aspectum, accusante conscientia, contremiscat; sed potiùs ope tua desideratam ejus faciem in júbilo videat, & tecum gaudiis æternis perfruat.

4. **V**irgo dulcissima Dei genitrix Maria, per cruciatus & angustias quas sustinuit cor tuum quando filius tuus Dominus noster Iesus Christus clamantibus Iudæis *Crucifige, crucifige*; morti adjudicatus est, & supplicio crucis addictus; subveni huic famulo tuo in extremis laboranti, ne mortis æternæ contra eum sententia proferatur; sed potiùs ad vitam lætus, te intercedente transeat sempiternam.

5. **I**ntemerata & in æternum benedicta Virgo Maria, famulo tuo in hoc extremæ necessitatis articulo subveni, illos tuos misericordes oculos ad illum converte: ostende illi dulcissimam faciem tuam, &

in vir-

in virtute sanctæ Crucis inimicos eius omnes disperde. Libera eum ex omni angustia, ut tecum & cum cum beatis spiritibus Redemptori suo æternas gratiarum referat actiones. Reminiscere misericordiarum tuarum, ô mater misericordiæ, & secundum multitudinem miserationum tuarum animæ illius opitulare.

Maria Mater gratiæ mater misericordiæ, tu eam ab hoste protege, & horâ mortis suscipe.

6. **O** Maria Virgo castissima, ob acerbi ejulatus planctum, quem de profundo pectoris erumpentem abscondere non valebas, quando in amplexum filii tui ruebas: cujus genas antè nitentes, & orarutilantia, mortis palloribus perfundi conspiciebas: Auxiliare, suavissima Domina nostra, huic servo tuo: quatenus de delictis commissis sic doleat, ut anima ejus mellifluis osculis, & amorosis amplexibus Domini nostri Jesu Christi, in cælorum beatissimo regno dignè valeat perfrui. Amen. P 6 7. O

7. **O** Maria Virgo gloriosissima, ob singultus & suspiria, indicibiliaque lamenta, quibus affiebatur cor tuum, quando cernebas filium tuum Dominum nostrum Iesum Christum filium Dei vivi, animæ tuæ unicum solatium sepeliri. Adjuva, ô sacratissima Domina nostra, animam servi tui, in hac lacrymarum valle laborantem, ut cum de corpore egressa fuerit, tuis suffragantibus meritis, cum corusco claritatis lumine, te comitante Domino nostro Iesu Christo glorificanda præsentetur. Amen.

### O R A T I O.

**S**ancte Michael Archangele, succurre huic animæ, apud altissimum iudicem. O invictissime pugil, assiste huic famulo tuo in extremis laboranti, & eum potenter à dracone infernali defende, & à visione fraudeque malorum spirituum. Insuper exoramus te, ut in hac extre-  
ma

ma hora vitæ ipsius, animam ejus  
benignè suscipias, ac suaviter in si-  
num tuum recipias: illamque in lo-  
cum refrigerii lucis, & pacis perdu-  
cas, cum Domino Iesu æternaliter  
regnaturam. Amen.

O R A T I O.

**T**E summa Deus Trinitas, omni-  
potens, æternæ Deus, qui es sem-  
per, & per omnia Deus benedictus  
in sæcula, quem omnis spiritus lau-  
dat, suppliciter exoramus, quatenus  
per meritum illius ineffabilis, & ex-  
cellentissimæ charitatis, quâ dile-  
ctissimus filius tuus Dominus noster  
Iesus Christus homo fieri dignatus  
est: quâ etiam pro salute nostra, vin-  
cula, opprobria, convitia, flagella,  
sputa, alapas, coronam spineam, ac  
immanissimam mortem amorosè  
passus est: ac etiam per meritum  
gloriosissimæ, & beatissimæ Virgi-  
nis Mariæ, & omnium Sanctorum,  
qui tibi ab initio mundi placuerunt:

necnon per virtutem clavium spiri-  
tualium, quas clementissimè, bone  
Iesu, Ecclesiæ tuæ ministris tradidi-  
sti, ut huic famulo tuo in extremis  
laboranti, misericorditer indulgere  
digneris omnia peccata sua, quæ ab  
hora sacri baptismatis, usque ad præ-  
sens, quoquo modo, malitia, miseria,  
ignorantia ac fragilitate commisit.  
Et ipsum per sanctas indulgentias, &  
absolutiones, ex thesauris tuæ im-  
mensæ charitatis indultas, reddere  
digneris in illa puritate, innocentia,  
ac spirituali claritate, quas in bap-  
tismate donare dignatus es. Dignare  
etiam suavissime Domine Iesu, ab om-  
ni aspectu, & terrore dæmonum  
ipsum tueri: & propter gloriosi no-  
minis tui honorem, ipsum in conspe-  
ctu Divinæ Majestatis tuæ gratum  
reddere: quatenus, dulcissime Pa-  
ter, ac amabilissime Redemptor bo-  
ne Iesu, merito omnium Sanctorum  
tuorum & præsertim sacratissimæ  
Passionis tuæ clementer suscipias, te  
perenni jubilo in cælorum beatif-  
simo

in primo regno æternaliter fruiturum.  
Amen.

ORATIO.

**D**omine Deus omnipotens, qui  
trinus & unus es: tuâ eximiâ  
compulsi charitate te humiliter ex-  
oramus pro anima servi tui, nunc in  
extremis laboranti, quam, sacratissi-  
me Domine, commendamus piissi-  
mæ omnipotentia tuæ: ut illam ab  
aspectu, & terrore dæmonum custo-  
dias, & tuearis: ne in desperatione  
labatur: ne diffidentia tentationi-  
bus obnubiletur: ac præteritarum  
culparum recordatione maculetur.  
Exaudi nos, Domine gloriose, tuam  
suavisissimam bonitatem interpellan-  
tes pro illa. Et exaudi per oratio-  
nes Patriarcharum, per merita Pro-  
phetarum, per suffragia Apostolo-  
rum, per victoriam Martyrum, per  
fidem Confessorum, per castitatem  
Virginum, per devotam intercessio-  
nem omnium qui tibi ab initio  
pla-

pla-

placuerant. Suavisime Domine, ab ipsa anima expelle jactantiam, & compunctionem tribue: superbiam minue, & perfice humilitatem, fletum suscita, & cor ejus mollifica: ab omnibus insidiis inimici illam clementer libera, & in lumine fidei conserva: lumenque gratiæ tuæ infunde illi, ut de omnibus peccatis suis veram contritionem obtineat. Clementissime Domine, omnia desideria mala tolle ab ipsa: & omnia diaboli tela ignea extingue: dona illi lacrymas ex tuo ardenti affectu, quæ peccatorum suorum dissolvant vincula. Audi, Domine, quæ petit, & celeriter exaudi. Si despicias, prorsus perit: si prospicis, vivit: si justitiam requiris ante te mortua foetet: si cum misericordia respexeris, ipsam peccatis foetentem de desperationis barathro suscites, quod in ea odis, longè fac ab ipsa, & spiritum tuæ spiritualis lætitiæ illi tribue, Bone Iesu, animæ ejus parce, & malis criminibus, & peccatis. Vi-  
sita

sita illum infirmum, ægrotum cura,  
 sana languidum. Domine Iesu, da  
 illi cor, quod timeat te: sensum qui  
 te intelligat, & oculos spirituales,  
 qui videant te. Domine Iesu, misere-  
 re illi: & de majestatis tuæ sede cle-  
 menter respice, & animæ ejus tene-  
 bras tui splendoris radio illumina.  
 Clementissime Domine Iesu, à te  
 peccatorum suorum remissionem  
 humiliter petimus: à quo, & per  
 quem, est omnis propitiatio. Sancta  
 & immaculata Virgo Maria, Domi-  
 ni nostri Iesu Christi Mater, te ob-  
 nixè deprecamur: quatenus pro ani-  
 ma hujus servi tui intervenire dig-  
 neris apud illum, cujus templum ef-  
 fici meruisti. Sancte Michael, Sancte  
 Gabriel, Sancte Raphael, Sancte  
 Angele Custos ejus, cum omnibus  
 choris Angelorum, Patriarcharum,  
 Prophetarum, Apostolorum, Mar-  
 tyrum, Confessorum, Sacerdotum,  
 Levitarum, Eremitarum, Docto-  
 rum, Monachorum, Virginum, om-  
 niumq; justorum, per eximium Do-  
 mini

mini

mini nostri Iesu Christi amorem qui  
 vos elegit, de cuius contemplatione  
 gaudetis : vos orare præsumimus,  
 pro hujus infirmi anima, ut pro ipsa  
 supplicare dignemini, quatenus de  
 diaboli faucibus & de morte perpe-  
 tua liberari mereatur. Domine Iesu  
 perpetuam vitam secundum mag-  
 nam misericordiam tuam ei largiri  
 digneris. O clementissime Domine  
 Iesu, qui omnium misereris, famu-  
 lum tuum à tua misericordia fieri  
 alienum non patiaris : quatenus in  
 Passionis sacratissimæ tuæ merito ab  
 omnibus peccatis suis abluatur : &  
 tecum æternaliter in cælorum bea-  
 tissimo regno glorietur. Amen.

## O R A T I O.

**I**esu Domine Deus noster, ani-  
 mam famuli tui conserva, quoniam  
 am sperat in te, illumina corejus, ut  
 jubilosè ad te veniat. Exulter, bo-  
 ne Iesu, cor servitui morientis in  
 te: canter, & psallat tibi Domino  
 Deo

Deo suo in æternum. Sub umbra al-  
 larum tuarum, Domine Jesu, famu-  
 lum tuum protege: à facie impio-  
 rum, qui illum affligunt. Usquequò  
 bone Jesu oblivisceris servi tui? us-  
 quequò avertas faciem tuam ab eo:  
 Salva, Domine Jesu, ex ore leonis  
 animam famuli tui: & à cornibus u-  
 nicornium, bone Jesu, misericordi-  
 ter libera eam. Amen.

O R A T I O.

**M**aria Virgo beatissima, miseri-  
 cordias tuas cum famulo tuo  
 moriente mirifica: illum in te spe-  
 rantem salvum fac. Aures tuas, glo-  
 riosissima Virgo Maria; ad servum  
 tuum inclina, & affectum cordis il-  
 lius exaudi: nam in tribulatione ma-  
 xima versatur. Respice suavissima  
 Virgo Maria, hujus servi tui morien-  
 tis angustias: & illum libera, & ad  
 preces nostras pro illo intende. In  
 hac terribili animadversione famuli  
 tui, gloriosissima Virgo Maria invo-  
 camus

camuste, quatenus suavi aspectu  
 tuo lætifices illum. Ad te suavissima  
 Virgo Maria, animum servi tui tra-  
 he; non erubescat, quoniam sperat  
 in te. Amen.

## O R A T I O.

**I**esu Domine Deus noster, anima  
 famuli tui requiescat in te; esto il-  
 li nunc refugium, & liberator: Ex-  
 urge, bone Jezu in adjutorium servi  
 tui: dæmonem præveni, & expelle  
 illum, ne animam famuli tui rapere  
 valeat. Sit, bone Jezu, nomen tuum  
 dulcissimum, benedictum ex hoc  
 nunc, & usque in sæculum. Voce no-  
 stra, bone Jezu, ad te pro servo tuo  
 clamamus: salva illius animam in  
 hac hora. Salvam fac Domine Jezu  
 animam famuli tui: & libera  
 eam, bone Jezu: quia  
 Deus tuus es tu.

Amen.

ORATIO.

**M**aria Virgo beatissima, animam  
 servitui illumina, & tenebras  
 ejus mentales tua prece depelle. Ab  
 insurgentibus in famulum tuum, glo-  
 riosa Virgo Maria libera eum: & à  
 Spiritu iniquo protege illum. Respice  
 in servum tuum morientem suavis-  
 sima Virgo Maria: & libera eum ne  
 pereat. Imple, Clementissima Virgo  
 Maria, preces nostras pro famulo  
 tuo, ut sentiat, quia tu es ejus suavis-  
 sima Mater. Auxilium de caelo, glo-  
 riosa Virgo Maria, mitte servo tuo,  
 & de excelso tuere illum. Amen.

§. XI.

*Quadam clara voce, sed tractim, articu-  
 latim, & interruptè moribundo suggeren-  
 da, maximè cum jam mox expira-  
 turus putatur.*

**I**N manus tuas Domine commen-  
 do Spiritum meum.

Iesu